



ARRUABARRENA ESKISABEL familia

ARRUARTE Arruegi auzoko baserria da. Bertakoek diotenagatik bere izena Arruegi bailara erdian egotetik dator. Baserri inguruko soro eta sailen izenak dira *Urretalde*, *Antxuset*a, *Arru* eta *Arroasoro*.

Etxekoei ematen zitzaien izena *Argiñe* da.

1963an egin zuten bidea, asfaltatu gabea. 1980az geroztik dago auzoan etxerainoko bide berria.

Etxe jabe dira Arruartekoak 1920az geroztik. Hemezortzi mila pezeta ordaindu omen zuten etxegatik.

Elizara ordu erdiko bidea dute, oinez, eta Ordizira ordubetekoa. 1944-50 bitartean eskolara etortzen omen ziren sei-zazpi urterekin hasita. Neguan ere, praka motxak eta abarkak jantzita eta, zatekin berriez, elurretan. Ontza bat txokolate hartu eta besterik jan gabe, zortziren bat ordutan. Behatz puntak izoztuta, eta dotrinan, makila eta kazkarrekoen be-roa hartuta.

Baserrian baziren bost behi eta bi idi eta soroan egiten zuten garia, artoa, patata eta babarruna. Ordiziako ferian saltzen omen zuten etxerako behar ez zutena, batik bat, gaztaina eta arrautza. Astoarekin jeneroa jaitsi Zaldibira eta gero handik Karteroneko gurdian eramaten omen zuten. Egune-ro, gainera, esnea jaisten omen zuten *Gantxaisko* erre-kara, bizkarrean bi marmita makilaren bi puntatan jarrita. Hala ere, Fabrikan lan egiten zuten.

Eneriora ere joaten omen ziren garo bila gurdia hartuta. Garo mozketak eta bideak bospasei orduko lana ba omen zuen eta egun osorako joaten omen ziren. Urtean bospasei aldiz-edo egiten omen zuten lan hau.

XX. mende hasieran osatu zen Arruabarrena Labaien familia. Dolores Labaien Amezketako *Astamutilleta* baserrikoa zen.

1933an ezkondu ziren Lontxo Arruabarrena bertako semea eta Ixabel Eskisabel, *Urtesabele*koa. Ezkondu zirenean Arruartan bizi ziren aita-amak, Lontxoren anaia eta osaba bat eta anaiak etxetik kanpo lan egiten zuen.



Baserriaren arrastoa idatzietan

Arruarte, Arrue eta Arruebarren Goikoa bezala 1783-12-17an agertzen da, Francisco Antonio de Echaveren aurrean, Enerio eta Aralarko sailen erabileraz bitartekari bati emandako botere emaileen artean. Aipatzen denagatik Arruartetik bost lagun agertu ziren bilerara, eta beraz, ordurako etxebizitza bat baino gehiago izango zen bertan.

Informazio emailea: Joxe Arruabarrena



ARRUABARRENA ESKISABEL familia. 1933
Lontxo eta Ixabel.



ARRUABARRENA LABAIEN familia. 1969
Antonio, Iñaxi, Madalena.
Lontxo, Maria eta Migel anaia-arrebak.



ARRUABARRENA ESKISABEL familia
Nekane, Joxe, Ixabel (ama), Felix, Izaskun Arrizabalaga,
Lontxo (aita), Fermin, Modesta, Manuel /
Fermina, Antonio eta Pilar.